



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mater Amoris Et Doloris


Ginther, Anton

Augustæ Vindelicorum, 1711

VD18 15312348

Consideratio XIV. Expenditur charitas Matris Amoris & Doloris, dum Deo gravida Elisabetham cognatam visitavit. Emblema. Duæ palmæ ad se invicem incurvatæ, & se mutuò salutantes cum lemmate: Blanda se ...

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)



CONSIDERATIO XIV.

Expenditur charitas Matris amoris & doloris, dum
DEO gravida Elisabetham cognatam visitavit.



*Exurgens autem MARIA in diebus illis, abiit
in montana cum festinatione in civitatem Juda,
Luc. 1. 39.*

Abraham Patriarcharum Princeps & decus, ubi quon-
dam tres illos Angelos, speciem peregrinorum indu-
tos, ad se de longè venientes conspicatus est, sine mo-
ra de ostio tabernaculi sui, in quo sub meridiem &
prandium sedere consueverat, surrexit, & *occurrit in Gen. 18. 2.*
occursum eorum de ostio tabernaculi, & adoravit in terram.

Mater Dolorosa.

P

Adverte

N-

Adverte hinc anime mi! ingentem Abrahami charitatem & solertiam, quã hospites & peregrinos excipere solebat, dum enim sagenam suã hospitalitatis expandit, non homines sed Angelos ad hospitium recipere meruit; & quia eos Legatos DEI esse credidit, idẽ illos humiliter in terram prostratus adoravit, & ad frugale convivium invitavit. Nullus hinc erat in domo Abrahami otiosus, sed omnes ad exemplum Patris familias suã accelerabant obsequia, ut tanti hospites dignẽ exciperentur; ita ad rem nostram peraccomodẽ antiquissimus

Orig. Hom.
40. in Gen.

Origenes: *Abrahamus; inquit, currit, uxor festinat, puer accelerat, nullus est piger in domo Sapientis.*

A domo Abrahami ad domum Zachariã transeamus. Postquam Archangelus legationis suã officio peracto, & verbo DEI incarnato, à Virgine discessit, illico hæc SS. Virgo de visenda B. Elisabetha cognata suã, quam in summa senectute ex singulari DEI beneficio filium concepisse ex Angelo intellexerat, consilium cœpit; in quem finem de domo sua Nazarethana (quã nunc Laureti est) *exurgens abiit in montana cum festinatione in civitatem Juda, & intravit in domum Zachariã, & salutavit Elisabeth.*

O anima Christiana! si vidisses hinc SS. Virginem, mundi Dominam & cœli Reginam, ipsum DEUM in forma pusilli infantuli in utero suo gestantem, & per excelsa ac aspera montana cum festinatione abeuntem, ut S. Elisabetham amicissimẽ salutarer, eique pro possibili infervirer, atque Joannem in materni uteri ergastulo inclusum, per præsentiam Verbi Incarnati à peccato originali expiaret; quid, oblectro, præ stupore & exultatione mentis dixisses? An non quasi à sensibus alienata exclamãsses: *Manhu, quid est hoc?* Interim, sicut quondam in domo Abraham, ita hinc in domo Zachariã parantur omnia, ut tanta Mater & hospes, imò ipse DEUS in utero virgineo absconditus, digno quo fieri posset, obsequio exciperentur; nullus hinc aderat otiosus; currit Elisabetha ad dilectos cognatã amplexus: *Unde hoc mihi, ut veniat Mater Domini ad me?* Currit & Zachariã in occursum ejus de ostio tabernaculi, & adoravit in terram, & licet tum adhuc mutus esset, Divinorum tamen mysteriorum non ignarus fuit, &c.

Exod. 16. 35.

Nos interim his sanctissimis Matribus, se invicem salutantibus, & arctis charitatis, amicitiaẽque nexibus amplexantibus pro Emblemate duas Palmas erigamus quã se invicem, prout solent, respiciunt, fastigia

stigia sua inclinantes, ac mutuis osculis sese invicem salutantes cum
incripto Lemmate:

Blandâ se pace salutant.

Talis palma B. Virgo & Mater DEI extitit, ita Divinus Sponsus:
Statura tua assimilata est palmae, per quam ejus celsitudo animi præfer- Cant. 7. 7.
tim in advertis & passione Christi adumbrata fuit; sed & sancta Elisa-
betha palmæ comparari potest, de qua Lemma fert: *quò amosior, fru-*
ctuosior, quod patet in S. Elisabetha. Verùm progrediamur ulterius.

2. Inter alia Divinæ Potentiæ prodigia non minimum illud est,
quòd olim populus Israëliticus sicco pede Jordanem transierit, ubi ex
una parte aquæ adinstar montis in aère pendulæ steterunt, ex altera
verò in mare mortuum declinârunt; interim dum populus universus
cum armentis & impedimentis pettransit, Arca in medio Jordanis fir-
ma stetit; & tandem *cùm transissent omnes, transiit & Arca Domini.* Jof. 4. 11.
Supra quod doctissimus Tostatus Abulensis ex traditione Hebræorum
recenset, Arcam Domini tunc potiùs volâsse, quàm transisse Jorda-
nem: *Elevata est Arca in sublime, & volavit super Jordanem, &c.* Abulens. hic.

A figurante ad figuratum transeamus. Arca Domini juxta men-
tem SS Patrum B. Virgo est: *Arca*, inquit S. Chrysippus, *que exce-* S. Chrysipp.
pit totius sanctitatis thesaurum. Arca illa Testamenti ex omni parte pu- Orat. de Virg.
rissimo auro erat contecta, *in qua urna aurea, habens manna, & virga* Hebr. 9. 4.
Aaron, que fronduerat, asservabantur; per aurum charitatem Sacra-
tissimæ Deiparæ in DEUM & proximum subaudi, per virgam Aaro-
nis semper florentem ejus perpetuam virginitatem, & per manna
dulcissimum Filium JESUM, quem in utero gestavit, qui de se ipso
ait: *Ego sum panis vivus, qui de cælo descendi.* Hæc, inquam, Arca Joan. 6. 51.
mystica & animata, verè Arca Sanctificationis ubi ex Archangelo in-
tellexit, cognatam suam B. Elisabetham ex singulari DEI dono in se-
nectute sua concepisse Filium, mox surrexit de dulcissima contempla-
tionis quiete; & abiit cum festinatione, imò *volavit* in montana, ut
Elisabethæ non tam de hoc dono divinitus concessio, gratularetur,
quàm & illi nunc seni & gravidæ suæ deferret obsequia: *Beata Virgo*,
ait Sylveri. *charitate vulnerata non potuit quiescere, quin cognatam invi-*
seret, ac præsentia, gratiaque suâ adjuvaret, & ut Joannes adventu Verbi
sanctificaretur. Admirare hic anima Christiana Divinæ Matris humi-
litem & charitatem, arque ingentem illius zelum, quo Joanni Ba-
ptistæ per præsentiam VERBI succurrere voluit, ut eò citiùs ab origi-
nali

nali noxa, & dæmonis servitute liberaretur; atque disce ab eâ, non dumtaxat propriam quietem ac commoditatem, cum agitur de salute animæ, contemnere, sed & quævis etiam dura & aspera pro unius animæ lucro tolerare, memor semper illius, quod B. Jacobus pro coronide suæ Epistolæ Canonice inculcavit: *Scire debet, quoniam qui converti fecerit peccatorem ab errore viae suæ, salvabit animam ejus à morte, & operiet multitudinem peccatorum.*

Facto. 5. 20.

Ecclesi. 11. 3.

3. De apere recenset Ecclesiasticus, quod quidem parva & exigua inter cætera cœli volatilia existat, sed tamen fructus ejus, seu mel, quod conficit, inter omnes dulcedines primas teneat: *Brevis, ait, in volatilibus apis; & initium dulcoris habet fructus ejus;* solet autem apis, prout Plinius & alij argute observant, cum vehementior ventus instat, lapillum sibi quærere, quem domum remeans, ut adversus ventos ponderosior fiat, pedibus gestat, & sic securâ per ventorum furias ad alveare suum penetrat; proinde nonnemo ejusmodi apiculæ lapillum pedibus contra luctantes Euri rabies tenenti, pro Lemmate inscripsit: *Dat vires pondus;* vel si magis arridet: *Sine pondere pondus.*

Dan. 2. 34.

O beatissima Virgo, & Mater pulchræ dilectionis, tu similis facta es ejusmodi apiculæ argumentosæ, dum DEO gravida in montana conscendisti, portans tecum in utero lapillum sine manibus de summo cœli monte decisum, hoc est, illum lapidem angularem, Christum, de quo Daniel non obscure vaticinatus est: *Dones abscissus est lapis de monte sine manibus, & percussit statuam ... qui factus est mons magnus, & implevit universam terram.* Ex cujus mystici lapidis gestatione non modò nullum pondus sensit alma Virgo, sed potius majus robur ac vires contra omnes ventorum mundanorum & infernalium furias accepit, unde Lemma: *Dat vires pondus,* vel si mavis: *Sine pondere pondus.*

S. Bern. ser. in Signum magnū, &c.

Subintrat hîc pro veritatis confirmatione S. Bernhardus: *Non miror, inquit, quod festinârit, portans enim portabatur ab eo, qui omnia in manu sua portat, quique exultavit ut Gigas ad currendam viam suam.* Et in eodem loco interjectis quibusdam idem Mellissus: *In ipso, ait, conceptionis initio, quando potissimum ceteræ mulieres miserabilibus affliguntur, MARIA tota alacritate montana conscendit, ut Elisabeth ministraret: Sed & ascendit Bethleem, imminente jam partu, portans pretiosissimum illud depositum, portans onus leve.* Collige ex his anima Christiana prote sensum moralem, quàm suave onus & jugum Christi esse soleat, & quàm bonum sit servire DEO, & si cognoscerent mortales, ac præsertim illi, in quorum cordibus DEUS absconditus & Evangelicus

charitificus verè quotidie mansionem facere assolet, quàm suavis sit Dominus, & quomodo omnia possint in eo, qui illos confortat.

4. De ape ulterius refertur, & ipsa probat experientia, quòd floribus & herbusculis non solet esse onerosa, sed delibato nonnihil suavi illorum succo & odore cum gaudio revertatur ad propria, unde aliud lemma: *Visitat; hand vitiat.* O quàm bene hoc iterum de SS. Virgine, Zachariæ & Elisabethæ domum visitante applicare possumus: *Visitat; hand vitiat*, quinimò profectum virtutum omnium in hac domo promovit, liquidem ad ejus adventum Christi Præcursor, nunc à labe originali mundatus, læto assaltu festum plausum dedit; Mater ejus Spiritu Sancto repleta est, & Pater Zacharias defectæ loquelæ usum cum dono prophetiæ recepit. Et ut meliùs agnoscas sedulitatem hujus apis argumentosæ; observat Cornelius à Lapide, quòd in hoc quadriduano itinere tertio die in transitu templum Hierosolymitanum devotissimè visitaverit, à Nazareth enim usque in Jerusalem iter tridui esse solet, & à Jerusalem usque in Civitatem Juda, hoc est, in Hebron iter unius diei; existimat ergo præfatus Cornelius, & plures alij, quos citat, B. Virginem in templo Hierosolymitano Divinæ Majestati pro immenso hoc incarnationis beneficio summas egisse gratias, & JESUM, Filium jam conceptum & crescentem, séque ipsam in holocaustum & victimam amoris obtulisse. O anime mi! quando tu aliquando fies vera Divini amoris victima! quoties te offers DEO in holocaustum, ut tecum agat pro libitu & pro sua Sacratissima voluntate; & venit parvula tentatio, & iterum in fervore succumbis miser & inconstans? An non hoc est, de quo olim Isaias vaticinatus est: *Quia venerunt filij usque ad partum, & virtus non est pariendi.* Eja anime mi, resume animum mœstumque mitte timorem, quia dignus est DEUS, ut illi ex toto corde, ex tota anima, ex tota mente, & ex omnibus viribus inservias.

*Cornel. hic
in Luc. 1. 39.*

Isa. 37. 3.

5. Recordor hîc illius pretiosi feruli, quod Regum sapientissimus sibi quondam fieri curavit, quod non tam vehiculum seu lecticam, quàm & thronum regium præferebat, quo Salomon de die per urbem vehebatur, suamque gloriam & magnificentiam populo ostentabat: *Ferculum fecit sibi Rex Salomon de lignis Libani; columnas ejus fecit argenteas; reclinatorium aureum, ascensum purpureum; media charitate constravit propter filias Jerusalem.* Singula innunt, & indicant aliquid, attentum te esse cupio, prudens Lector!

Per hoc ferculum rectè B. Virgo, cum nunc DEO grvida in montana conscendit, intelligi potest. Ferculum, inquam, fuit preciosissimum, dum DEUM & Hominem Christum, *qui plus est quam Salomon*, in SS. utero suo novem mensium spatio gestavit. Erat autem illud ferculum Salomonis de lignis Libani, omnis corruptionis expertibus; *Libanus* idem Hebraicè, quàm *Candor* significat; quid autem candidius & purius DEI Matre, quam splendor elegit, decus purissimo sanguine, omnis corruptionis experte à Spiritu Sancto Humanitas Christi formata est? Columnæ hujus mystici ferculi fuerunt duo brachia, verè argentea, quia virginea, quibus stringebat DEI & suum Filium dulcissima Mater. Reclinatorium pectus ejus suavissimum, supra quod se reclinans parvulus tam suaviter inter ubera Mariana requievit, non obscure adumbravit; ô verè *fasciculus myrrhæ Dilectus meus: inter ubera mea commorabitur!* Ascensus purpureus internum illud fuit B. Virginis & Matris DEI martyrium, quod per omnem vitam ejus cor & animam torfit, & afflixit, non enim ignorabat hæc SS. Deipara, hunc suum suavissimum Natum ideò venisse in mundum, & per immensum sanguinis sui pretium & mortem crucis salvaret populum suum: *Ipse enim salvum faciet populum suum à peccatis eorum.* Juvat hæc audire Rupertum Abbatem Tuitiensem in persona Virginis ita ad nos loquentem: *O commoratio, dulcis quidem, sed plena gemitibus inenarrabilibus! ad ubera deforis stringebatur, & eisdem lactabatur uberibus, simulque inter ubera intus in corde futurorum præscio, semper parebat (apparebat) quali esset morte moriturus.*

Denique addit Sapiens: *Media charitate constravit propter filias Jerusalem;* textus Hebraicus legitur *Et medium tenet ipse incensus amore;* hoc est, prout exponit Cornelius & alij, Christus, qui totus est amor & ardor medium Cordis SS. Matris suæ occupat, & in eo quali in throno regali considerat, suamque charitatem diffundit in filias Jerusalem, seu in animas devotas, ad SS. Matrem suam in difficultatibus recurrentes, ipsa enim propter dignitatem VERBI INCARNATI à DEO electa est Mediatrix DEI & hominum, ita pulcherrimè Mellifluus: *Ipsa, inquit, Mediatrix nostra est, per quam suscipimus misericordiam tuam DEUS, &c.* O Christiane! quis non æstimer, non colat, non amet talem ac tantam Matrem? Si quondam lectulum, in quo de nocte cubabat Sponsus, sexaginta ex fortissimis ambiebant propter timores nocturnos; quot putas Angelorum millia stipasse latus MARIE, dum in

Matth. 12. 42.

Cant. 1. 12.

Matth. 1. 21.
Rup. Abb.
lib. 1. in Ci-
vit. cap. 1.S. Bernh. ser.
2. de Af-
sumpt. B. V.

Cant. 3. 7.

in ejus castissimo sinu, ceu in lectulo suavissimo requievit DEUS & Homo Christus, univerforum Dominus?

6. His consideratis considerandis, non miror amplius, quare Joannes, dilectus Christi Præcursor, adhuc tenellus infans in utero materno adeò exultaverit, & tam insolito gaudio fuerit perfusus, cum Matrem DEO gravidam præsentem advertit. David Rex cum Arcam Fœderis solenni pompâ à domo Obededom in Sion transferret, coram ea totis viribus saltasse perhibetur: *Et David saltabat totis viribus ante Dominum.* 2. Reg. 6. 14. Causam hujus saltûs assignat S. Ambrosius, quia David superiori lumine illustratus, per illam Arcam Fœderis prævidit SS. Virginem MARIAM ex germine & sanguine suo oriundam, quæ sola Christi & Messîæ digna Mater esset futura: Ergo, inquit, saltavit S. Ambry. ser. 25. de Sanctis. *Propheta David ante Arcam, Arcam autem quid nisi sanctam MARIAM dixerimus? Siquidem Arca intrinsecus portabat testamenti tabulas, MARIAM autem ipsius testamenti gestabat heredem. Illa intra semet Legem, hæc Evangelium retinebat. Illa DEI vocem habebat, hæc Verbum, &c.* Si hoc olim in umbra David; quid, obsecro, fecisset, si SS. Virginem MARIAM, Arcam illam animatam, & DEUM in utero gestantem præsentem vidisset?

O quàm bene igitur exultavit præ gaudio S. Joannes: *Et factum est, ut audivit salutationem MARIÆ Elisabeth, exultavit infans in utero ejus, & repleta est Spiritu Sancto Elisabeth.* Luc. 1. 41. Supra quod antiquissimus Origenes: *Unde, inquit, exilivit? Et non simpliciter exilivit, sed in gaudio? Senserat enim venisse Dominum suum, ut sanctificaret servum suum, antequam de Matris utero procederet.* Orig. hic. Vide hîc, & perpende anima Christiana, quàm efficax fuerit salutatio & precatio B. V. MARIÆ. O quàm bene Ecclesiasticus: *Sicut qui thesaurizat, ita qui honorificat Matrem,* Eccl. 3. 5. ac præsertim illam Matrem, per quam nobis omne bonum in mundum venit, & ipse DEI Filius ad nos de cœlo descendere dignatus est; proinde rectè Angelicus: *B. Virgo ex hoc, quod est Mater DEI; habet quandam dignitatem infinitam ex bono infinito, quod est DEUS; & ex parte non potest fieri melius, sicut non potest esse aliquid melius DEO.* 5. Thom. Aq. 1. p. qu. 25. 2. 6. ad 4.

O pietissima Domina! O Mater DEI & hominis! Mater Regis & exulis! Mater Judicis & peccatoris! quid ultra habet servulus tuus, nisi ut se valde humiliet coram te? *Tu es illa navis institutoris, de longè portans panem suum.* Prov. 31. 14. Syrus legit: *Tanquam navis mercatoris, de longinquo mercimonia advehens.* Talis, inquam, navis & tu ô Beatissima extitisti,

exitisti, dum in montana conscendens, de longè panem illum vi-
 vum, per quem omnia reficiuntur, ad nos deportasti. Et si quondam
 ad præsentiam Arcae Fœderis domus Obededom omni benedictione re-
 pleta est: *Et benedixit Dominus Obededom, & omnem domus ejus.* Si
 domus Putipharis ob præsentiam Joseph pari benedictione à DEO cu-
 mulata est: *Benedixitque Dominus domui Egyptij propter Joseph, &c.*
 Si domus Labani propter præsentiam Jacob similem benedictionem à
 benigno cœlo obtinuit: *Experimento didici, quia benedixerit mihi DEUS
 propter te.* Quænam mens, obsecro, cogitare, aut explanare pote-
 rit, quali benedictione dotata fuerit domus Zachariæ ob actualem præ-
 sentiam Christi JESU, tunc stantis post parietem, respicientis per fene-
 stras, prospicientis per cancellos, & ob præsentiam SS. Virginis MA-
 RIÆ, tribus ibidem mensibus & quid ultra commorantis? *Mansit enim
 S. Bernh. ser. MARIA cum Elisabeth, sunt verba S. Bernhardi, usque ad diem nativi-
 de S. Joan. tatis Joannis, donec puerum natum sinu beatissimo confoveret, & uno pa-
 Bapt. & riete remoto propinquiores redderet presentie Salvatoris. O dicite
 Carthus To. cœlestes Spiritus! quis tunc vobis erat sensus? Zacharias jure meritif-
 1. de B. V. l. 6. simo dicere poterat cum Sapiente: Venerunt autem mihi omnia bona pa-
 tom. 1. riter cum illa, & innumerabilis honestas per manus illius, &c. O Bene-
 Sep. 7. 13. dicta inter mulieres, quæ invenisti gratiam apud DEUM; ah impetra &
 mihi indignissimo servulo tuo gratiam Divinam, ut DEO meo
 ex toto corde possim infervire, eumque in æternum
 tecum laudare, &c.*



CON.